

आकाशवाणी

खबरां ----

1. पूरे देशा च होली दा त्यौहार पूरे हर्षोल्लास कन्नै मनाया जा'रदा ऐ। राष्ट्रपति, उप-राष्ट्रपति ते प्रधानमंत्री होरें सारें'गी होली दियां ममारखां दित्तियां ना।
2. केंद्री गृह मंत्री अमित शाह होर अज्ज संझा'लै अपने त्रै रोजा दौरे पर असम जा'रदे ना।
3. खजाना मंत्री निर्मला सीतारमण होरें तमिलनाडू बजट लोग च रपे दे प्रतीक गी हटाए जाने पर एम.के स्टेलिन हुंदी निंदेआ कीती ऐ।
4. केंद्र विज्ञान ते प्रोद्यौगिकी राज्यमंत्री डॉ. जितेंद्र सिंह होरें आखेआ ऐ पूर्वोत्तर देसै च केसर दी खेती दा अगला महत्वै आहला केंद्र बनोग।
5. वाणिज्य ते उद्योग मंत्री पीयूष गोयल होरें आखेआ जे उनें अमरीकी बपार प्रतिनिधि जेमीसन ग्रीर हुंदे कन्नै दपक्खी बपार समझौते बारै गल्लबात कीती।
6. भारत दी Birmingham च चलारदी All England Open Super 1000 Badminton tournament च चनौती खत्म होई गई।

<><><><><><>

रंगें दा त्यौहार होली अज्ज पूरे देश च रिवायती जोश ते खुशी कन्नै मनाया जारदा ऐ। एह त्यौहार बसंत ऋतु दे आने, बुराई पर अच्छाई दी जित्त दा प्रतीक ऐ ते भाईचारे ते एकता दे जज्बे गी मजबूत करदा ऐ। लोक जातपात, उम्र, धर्म दे फर्क गी पिच्छे रक्खियै इकट्ठे एह त्यौहार मनांदे न। होली दे इक दिन पैहले त्यौहार दी शुरूआत होलिका दहन कन्नै हुंदी ऐ जेडा सच्चाई दी जित्त दा प्रतीक ऐ। राश्ट्रपति द्रौपदी मुर्मू होरें अज्ज देशवासिएं गी होली दी मुबारकबाद दिती ऐ। इक सोशल मीडिया पोस्ट च राश्ट्रपति होरें आखेआ जे एह त्यौहार भारत दी अमूल्ली संस्कृति धरोहर दा प्रतीक ऐ ते एकता प्रेम ते भाईचारे दा स्नेहा दिंदा ऐ। उपराश्ट्रपति जगदीप धनखड़ होरें बी लोकें गी बधाई दितीं प्रधानमंत्री नरेंद्र मोदी होरें बी सारेंगी होली दी मुबारकबाद दिती। इक सोशल मीडिया पोस्ट च उनें इच्छा जाहिर कीती जे प्यार ते खुशी दा एह त्यौहार सारें दी जिंदगी च नमा जोश, उर्जा लेआए ते देशवासिएं च एकता दे रंग मते गूढे होन। आकाशवाणी संवादाता नै दस्सेआ ऐ जे द्वारकाधीश, जय श्री कृष्ण, जय रणछोड़ दे जयकारे लांदे होई भक्तजनें खरी मती तादाद च मंदिरें च मत्था टेकेआ। मथुरा वृंदावन च 1 महीने तोड़ी चलने आहले होली दे त्यौहार दौरान फूल्लें दी होली, लड्डू मार होली बी मनाई जंदी ऐ। पूरी दुनिया थमां लोक इस सांस्कृतिक आयोजन दा हिस्सा बनने आस्तै मथुरा वृंदावन ते बरसाना पुजदे न।



[Amit Shah Assam Visit](#)

Nirmala Sitharamans

केंद्री खजाना मंत्री निर्मला सीतारमण होंरें तमिलनाडू दे मुख्मन्त्री एम.के स्तेलिन हुंदे ट्विटर पर इक पोस्ट च मूल रूपये दे प्रतीक गी तमिल आर.यू कन्नै बदलने लेई डीएमके सरकार दी आलोचना कीती ऐ। डीएमके सरकार उप्पर इल्जाम लाया ऐ जे ओहू रपे दे प्रतीक दा अनादर करारदी ऐ। उनें दस्सेआ जे इस डिजाइन गी यूपीए दे समें स्वीकार कीता गेआ हा जिसदे ओहू हिस्सा हे। साबका मुख्मन्त्री ते विपक्ष दे नेता ई पलानिसामी होंरें बी डीएमके सरकार उप्पर मुख्म मुद्दे थमां बचने ते मूर्खतापूर्ण राजनीतिक करने दा इल्जाम लाया।

<><><><><><>

North East Saffron Hub

केंद्री विज्ञान ते प्रौद्योगिकी राज्यमंत्री डाक्टर जितेंद्र सिंह होंरें आखेआ ऐ जे पूर्वोत्तर खेत्तर विकसित भारत दे सुखने गी सच करने च महत्वै आहली भूमिका निभा करदा ऐ ते एहू खेत्तर देसै च केसर दी खेती दा अगला महत्वै आहला केंद्र बनोग। अज्ज शिलांग च नार्थ ईस्ट सेंटर फार टेक्नालजी एप्लीकेशन एंड रिसर्च दे नमी स्थायी परिसर दा नीह पत्थर रखदे होई उनें गलाया जे सरकार दी मिशन केसर पहल दे तहत 2021 थमां सिक्किम, अरूणाचल प्रदेश ते मेघालय च केसर दी खेती कीती जा करदी ऐ। श्री सिंह होंरें दस्सेआ जे अरूणाचल प्रदेश दे मेंचुखा ते सिक्किम दे चुकसोम च हुन बड्डे पैमाने पर केसर दी खेती कीती जा'रदी ऐ। एहू पूर्वोत्तर क्षेत्र गी जम्मू-कश्मीर दे पाम्पोर मगरा भारत दा अगला केसर दा केंद्र बनोग।

<><><><><><>

UNSC-Syria

राजनायकें कल आखेआ ऐ जे संयुक्त राष्ट्र सुरक्षा परिषद नै सीरिया दे तटीय खेत्तर च हिंसा दी निंदेआ करदे होई इक बयान उप्पर सहमति जताई ऐ ते सीरिया दे अधिकारियें गी आखेआ ऐ जे ओहू सब्भनें सीरियाई नागरिकें दी रक्षा करना चाहे ओहू कुसै बी जाति जां धर्म दे होना उनें एहू बी

आखेआ जे रूस ते अमरीका आसेआ तैयार कीते गेदे राष्ट्रपति दे बयानें गी अज्ज ओपन सिक्क्योरिटी सैशन दरान औचारिक तौरा उप्पर अपनाया जाना ऐ।

<><><><><><>

TN-Budget

तमिलनाडू विधानसभा दा बजट सत्र अज्ज शुरू होआ जिसलै खजाना मंत्री Thangam Thennarasu होरें विधानसभा च बजट पेश कीता। विधानसभा च विपक्षी नेता E- Palanisamy हुंदी गल्ल स्पीकर तरफा नेडू, मन्ने जाने पर डंड रौली पेई। बीजेपी सदस्यें बी वॉकआउट कीता। बाच, विधानसभा दे बाहर मीडिया कन्नै गल्लबात करदे होई E. Palanisamy होरें आखेआ जे उनें वाकआउट इस करिए कीता कीजे राज्य तरफा जलाई चलाई जारदी शराब सरबंधी निगम च रिश्वतखोरी पर चर्चा कराने दी उंदी अपील गी खारिज करी दित्ता गेआ। बीजेपी नेता नायनार गनेंद्रन होरें आखेआ जे मौजूदा सरकार फंडें दे कुप्रबंधन दे कई मामलें च शामिल ऐ। आरोपें गी खारिज करदे होई मंत्री संथिल बालाजी होरें आखेआ जे कोई कुप्रबंधन नेई होआ ऐ ते TASMAC आस्तै शराब हासल करने च नियमें दी पूरी पालमा कीती गेई ही। राईबाई बजट कल पेश कीता जाग।

<><><><><><>

Punjab-Drugs

पंजाब च नशाखोरी खलाफ इस म्हीने रम्भ कीते गेदे अभियान च अजे तगर 1750 इक्क ज्हार 750 शा बद्द, नशीले पदार्थें दी तस्करी करने आहले लोकें गी हिरासतै च लैता गेआ ऐ। इनें तस्करें दिएं 29 नजैज संपत्तियें गी बी जब्त कीता गेआ ऐ। इस अभियान दौरान अजें तगर 80 किलोमीटर शा बद्द हेराइन, अफीम ते गांजा सने नशीले पदार्थें गी जब्त कीता गेआ ऐ। इन्दे अलावा 60 लक्ख रुपें दी नजैज रकम बी जब्त कीती गेई ऐ।

<><><><><><>

Goyal-US Trade

वाणिज्य ते उद्योग मंत्री पीयूष गोयल होरें आखेआ जे उनें अमरीकी बपार प्रतिनिधि जेमीसन ग्रीर हुंदे कन्नै दपक्खी बपार समझौते बारै अगेत्री गल्लबात कीती ऐ। सोशल मीडिया पोस्ट च गोयल होरें आखेआ ऐ जे सरकार दे इस रवैये दा मार्गदर्शन इंडिया फर्स्ट, विकसित भारत ते व्यापक रणनीतिक सांझेदारी आसेआ कीता जाग। पिछले हफ्ते गोयल होरें वाशिंगटन दा दौरा लाया ते अपने अमरीकी समकक्षें कन्नै बपारिक गल्लबात कीती ही।

<><><><><><>

Badminton All England Open

भारत दे लक्ष्यसेन अज्ज बरमिंघम च आल इंग्लैंड ओपन सुपर 1000 च क्वार्टर फाइनल मकाबले च चीन दे ली शी फेंग कोला हारी गेन। सेन स्ट्रेटसेट्स च 10-21 ते 16-21 कन्नै हारी गे। होरनें मैचें च महिलाएं दी जुगल जोड़ी त्रेसा जोली ते गायत्री गोपीचंद अज्ज संज्ञा क्वार्टरफाइनल च मकाबले च चीनी जोड़ी लियू शोंगशु ते तान निंग कोला 14721 ते 10-21 कन्नै हारी गेइयां।

<><><><><><>

India-Pakistan

भारत नै पाकिस्तान दे उनें आरोपें दा खंडन कीता ऐ जिंदे च उत्थे रेल गड्डी अपहरण आहले मामले च भारत दा हत्थ होने दी गल्ल आक्खी गेई ऐ। पाकिस्तान दे आरोपें पर मीडिया दे सोआलें दे परते च विदेश मंत्रालय दे प्रवक्ता रणधीर जायसवाल होरें आखेआ जे भारत पाकिस्तान दे बिजन कुसै आधार दे आरोपें गी साफ तौरा पर खारिज करदा ऐ। उनें आखेआ जे समूलची दुनिया गी पता ऐ जे वैश्विक आतंकवाद दा केंद्र कुत्थे ऐ। प्रवक्ता नै गलाया जे पाकिस्तान गी अपनी अंदरूनी मुश्कलें ते नाकामियें लेई दुएं पर उंगली चुक्कने ते दोष मढने दे बजाए अपने अंदर झांकना लोडचदा ऐ।

<><><><><><>

Earthquake

लद्दाख दे कारगिल च अज्ज बडुलै 5 दशमलव 2 तीव्रता आहला भूचाल आया जेदा झटका जम्मू-कश्मीर च बी सेई कीता गेआ। राश्ट्रीय भूचाल विज्ञान केंद्र मूजब भूचाल बडुलै 2 बज्जियै 50एं मिनटें पर 15 किलोमीटर दी गहराई पर आया। एहदे च कुसै चाल्ली दे जानी जां फी माली नुकसान दी कोई सूचना नेई ऐ। ध्यानजोग ऐ जे लद्दाख देसै दे भूकप आहले खेत्तर-4 पौंदा ऐ जेदा मतलब ऐ भूचाल दे लिजाह कन्नै एह इलाका मता खतरे आहला ऐ।

<><><><><><>

IMD

भारत दे मोसम मैहकमे नै अगले 2 दिनें दरान छत्तीसगढ, झारखंड, विदर्भा, गंगटोक पच्छिम बंगाल, तेलंगाना ते आंध्र प्रदेश च बक्ख-बक्ख थाहरें उप्पर गर्म हवा चलने दी पेशगोई कीती ऐ ते अगले त्रै दिनें तगर उडीसा च बी बक्ख-बक्ख थाहरें पर गर्म हवा चलने दी मेद ऐ। मैहकमे नै अगले दो दिनें दरान जम्मू-कश्मीर, लद्दाख, गिलगित, बाल्तीस्तान, मुजफ्फराबाद, हिमाचल प्रदेश ते उत्तराखंड च भारी बरखा ते बर्फबारी दी पेशगोई कीती ऐ।

<><><><><><>